


**W**eyer ist zu merken so vier linien/die alle eyn leng haben/ zu rechten wincklen/ an einander  
 der gesezt werden/ so machen sie eyn rechte firung die sey/a/ Darnach sind ander gefiert  
 figuren aber nit alle gleich seittig/ nemlich ist eyne die hat vier rechte winckel/ vnnnd die zwou  
 seitten gegen eynander ober/ sind lenger dann die andern zwou/ dise firung sey. b. Die drit vierung  
 hat vier gleiche seitten/ vnd wirdt rautens weis gezogen/ gewint zweyerley eck/ vnd die gegen einander  
 der ober stend/ sind gleich aneinander/ dise firung sey. c. Die viert firung/ ist auch ein rauten/ aber  
 mit zweyen langen seitten gegen eyander ober/ vnnnd die andern zwou sind kurz/ dise firung sey. d/  
 Die funfft firung hat zwey rechte eck/ zwou gleiche seitten/ eines quadrat/ vnnnd zwey vngleiche eck/  
 vnd zwou vngleiche seitten/ da auch in den vngleichen seitten eyne lenger dann die ander ist/ dise firung  
 sey. e. Die sechst firung hat eyn rechten winckel/ zwou rechte quadratisch gleich seitten/ vnd zwou  
 vngleich/ doch ist der selben eyne so lang als die ander/ die mag man lenger oder kurtzer machen/  
 dann die rechten gleichen seitten sind/ vnd hat zwen eng vnd eyn weitten winckel/ dise firung sey. f  
 Aber ist ein firung eins rechten winckels/ dreier gleichen seitten/ vnd dreier vngleicher winckel/ dise  
 firung sey. g. Darnach ist ein firung zu zihen/ ob man wil/ von vier vngleichen wincklen vnd seitten/  
 dise firung sey. h. Aber zu beweisen das die firung. h. zu machen sey wie oben angezeiget/ so  
 mach ein weitten winckel. a. vnd dargegen eyn engern winckel. b. vnd schleus auß iren seitten zwey  
 eck. c. d. doch also das all seitten vngleich an einander werden/ so begibe sich wie. a/ b. vngleich an  
 einander sind das auch. c. d. vngleich werden vnd keins dem andern gleich ist.  
 Man mag zwou firung von vngleichen seitten zihen/ da die eyne zwey gleiche eck/ eynes rechten tri-  
 angels hat/ vnd die ander zwey gleiche eck/ eynes rechten quadrat/ als so du machest eyn rechten tri-  
 angel. a. b. c. vnd schneidest das eck. b. mit eynrer schlemen lini. d. e. ab/ so wirdet eyn firung/ a. e. d. e/ vnd  
 vngleichen seitten/ vnd bleiben die zwey eck/ a. c/ rechte diangle eck/ d. e/ sind vngleich/ Also mach  
 auch eyn rechtes quadrat. a. b. c. d. vnd schneid die zwey eck. b. c/ mit eynrer schlemen lini. e. f/ hinweg/  
 so bleyben/ a. d/ rechte wincklich/ aber/ e. f/ vngleich/ Der gleichen firung mugen mancherley weis  
 gezogen werden/ als mit krumen linien/ auß oder eingebogen/ damit vil dings zu messen ist/ wie ich  
 das nach/ folget mancherley weis zu zihen in der verwegflung hab auffgerissen/ in ordnung des  
 la/ b/ c/ nach eynander berzeichet.



**W**en will ich anzeigen wie man auff eynrer ebenen gleich ecket figuren/ gerad oder vngerad  
 als da sind/ drey/ vier/ funff/ sechs ecket figuren/ ic. soll machen. Erstlich mach eyn sechseck e  
 figur wie das die der zitel vnueruckt selbs gibe/ Setz eyn zitel mit dem eyn fuß/ in Centrum. a. vñ  
 reis mit dem andern eyn runden riß gros oder kleyn wie du in haben wilt/ so du dann den zitel mit  
 dem ein fuß in den runden riß stest/ vnd düttest mit beden füßen im zitelriß herum/ so werden. 6  
 punctten die bezeichnen mit ziffern. 1. 2. 3. 4. 5. 6. Darnach zeuch die punctten. 1. 2. vnd. 2/3. vnnnd. 3. 4. 5. 6.  
 E 3